

逸史

子

			八	和
		一	七	書
		一	二	門
		三	八	
		四	八	
冊	架	函	號	類

庫	文	閣	内	
一五〇		八七二		和
函		三八		書
九	一三	八		
架	冊	號	類	

内閣文庫	
番號	和 8728
冊數	13 (2)
函號	150 36



糊などで貼り付けられている部分がめくれない箇所あり

正親町
圖書部

南
庫

逸史卷之一

奠陰逸史氏同關子 撰

敘世止于正親町
帝永祿二年己未

逸史氏曰。懿哉我東照大君。撥亂反正之績也。蓋自乾綱圯紐。闕歲數百。群雄哮矚。代弄國柄。廢立幽辱。相踵於朝。雖時有小康也。要無足觀焉者。權譎之政。顛覆接武。終以致海內糜沸。蒼生魚爛。末如之何也。悲夫。我大君雖分派於天潢。而中葉衰茶。弗絕者。若綫既而國于參數世。基本斯立。然亦時否命屯。成而復敗。終乎杙隍不振矣。大君迺以區區遺業。

逸史卷之一

懷德

鷹揚龍攄滌瑕蕩穢天下始定於一皇猷亦賴以清夷其洪模碩畫蓋卓越乎前古焉雖其以馬上得之也亦能孜孜乎墳籍大綱既舉名分既正以佑啓我後人而封建之治始成使吾日域殆乎攀海外商周之隆與夫桓文詐力維持一時者固異年而道也予也校敘先世深感於其艸創之艱云

○東照大君系出於清和天皇天皇第六子爲桃園親王貞純貞純生子經基世呼曰六孫王拜鎮守將軍賜姓源朝臣經基子滿仲滿仲子賴信賴信子賴義賴義子義家世以勲勞執節鉞故諸源多顯義

對馬守義親
檢非違使尉爲義

左馬頭義朝

安藝守清盛後大
政大臣

右兵衛佐賴朝後
征夷大將軍

家長子義親不得良外適孫爲義承重而源宗始衰義家第三子曰義國義國生義重食邑于上毛爲義外于保元之難其子義朝外于平治之亂其子弟儕類前後外流竄略盡義重乃匿其邑新田因氏焉於是源氏遂微而平清盛以功預政顯威福者二紀

幽上皇後白河偏天子高倉殺戮朝士凶暴日甚而王室始卑安徳天皇治承中義朝第三子賴朝起于豆密受上皇誥以討清盛義重亦舉兵應之既而賴朝開府于相之鎌倉伐平氏滅之遙擅朝政乘一時權以籠絡四海源氏大興而

逸史 卷之一

懷徳

足利判官義康
山名伊豆守義範
里見太郎義俊
新田大炊助義重
合戶五郎經義合
一作額
東鏡建長年後有
新田參河前司賴
氏累見或作三河
守蓋卽是也其改
爲世良田氏或係
其晚年與
北條遠江守時政
藤原賴經其子賴
嗣親王宗尊親王
惟康親王久明共
五主其六世親王
守邦未及逐而北
條氏亡

王室益微。義重弟曰義康。實足利氏。義重有五子。長曰義範。實山名氏。次曰義俊。實里見氏。次曰義兼。承後爲新田氏。次曰義季。實德川氏。次曰經義。實合戶氏。義季子曰賴氏。實世良田氏。皆因食邑命焉。義季賴氏俱仕鎌倉。時源氏復衰。其相北條時政始大。賴氏生子教氏。教氏生子家持。家持生子滿義。先是北條氏以詐術滅源宗。別擇而立幼君。長則逐之者五。賴經、賴嗣、宗尊、惟康、久明、又廢一帝、九條廢帝、幽三帝、後鳥羽、土御門順德、三上皇。於絕鳴。遂制禪代之權。專橫無所不至。特以威力節儉。維持天下。數傳至高時。汰虐荒淫。跋扈滋

相模守高時
小太郎義良、義重
七世孫
治部大輔高氏、義
康八世孫高後改
尊
義滿尊氏孫
右馬頭賴之後武
藏守、又相模守

其後醍醐天皇元弘中。徵兵討鎌倉。行宮失守。天皇狩隱岐。以楠氏唱義也。新田義貞足利尊氏歸順勤王。卒滅北條氏。王室中興。二人以功受封。源氏復興。建武中。尊氏反。自爲征夷大將軍。義貞討尊氏。滿義佐之。屢戰不克。中興業墜。天皇狩吉野。南朝斯建。尊氏因有所擁立焉。北朝先明帝挾以令天下。滿義乃與其族退匿德川。世良田諸邑。是時義貞戰歿。新田氏漸微。足利氏獨興。世爲大君。後小松天皇時。大君義滿任用管領細川賴之。粗定禍亂。明德中。南北講和。皇統歸一。滿義生子政義。政義生

德中南北講和。皇統歸一。滿義生子政義。政義生

足利左兵衛督持
氏尊氏玄孫
右衛門佐氏憲晚
荒禪秀
我持義滿子

太郎左衛門信重

子親季親季復氏德川稱光天皇應永中關東
管領持氏與執事上杉禪秀有郟禪秀作亂遂持氏
禪秀宗彊而多士親季率族往保焉大君義持出師
助持氏討之禪秀伏誅悉收其黨親季子曰有親有
親子曰親氏逮迹甚急三人共避難投藤澤清淨光
寺權為僧相訣而逃親季不知所終有親尋以親氏
淪躓窘窮至參髮而寓酒井邑邑氏識其非恆人敬
重之親氏生子廣親是為酒井氏頃之親氏徙居松
平邑邑長曰松平信重家富而無男見親氏偉之妻
以其女盡予貲產命嗣其職實後華園天皇承

亨元年己酉也子孫因為松平氏自親土貞純十七
世至親氏益五百有餘歲是為我東照大君八世
祖親氏仁惠好施務赴緩急邑多阻隘親氏剪灌莽
修道途行旅便之時足利氏綱紀滋頽盜賊並起親
氏竊思興先緒乃散財招士恩意益勤隣邑聞之往
往附屬少年或相聚伐邑來獻親氏傾心撫納於是
人思自效名聲頗張我大君之業蓋基於此親氏
卒子泰親嗣泰親撫下有恩兼練武事會大納言平
實照西洞院氏謫參泰親善待之後遇赦歸讓送人京實
照德之奏請甄拔廷議憚足利氏事寢不報久之

勅除參日代土人畏服尋任參河守於是城崑津使
子信光守之自城岡崎而居焉遂列為諸侯是為良
祥公卒信光嗣任和泉守是為崇岳公公智勇兼入
威惠並行西參士民多保歸焉當是之時天下大亂
諸國崛強互相併吞其佗郡邑逐長吏據城堡以自
守者所在碁布彼此攘奪無復寧歲公乃思乘時以
啓疆土遂伐大給北給取之又欲攻安祥而患勞兵
乃陳伎樂於城西潛兵三面齊上遂拔之令子親忠
守焉永享季年足利持氏以叛見誅眾推執事上杉
憲實為管領文安中上杉氏求持氏遺孤成氏立以

安房守憲實
左兵衛督成氏

上杉右京亮憲忠
義政將軍義教子
義教義持弟

讚岐守成之

右京大夫勝元
右衛門佐持豐
號宗全
按前志義滿創室
町第窮極莊麗故
呼曰華第六世居

為主納之鎌倉僭為關東公方亨德中成氏殺管領
憲忠尋走古河總與上杉氏屢交兵寬正初年大若
義政令弟政知如鎌倉路梗館于掘越上上杉奉之
與成氏攻伐不息政知尋卒五年甲申天皇內
禪皇太子成仁踐祚是為後上御門天皇六
集也西額田參流民嘯聚寇掠郡邑兵勢甚熾守護
細川成之伐之不克乞援京師大君義政下教於公
討之公擊平之威名大振應仁元年管領細川勝元
山名宗全稱兵相攻輦轂大亂所在牧伯爭至分助
三氏義政不能制威望益衰天皇幸室町華第

之後居第雖屢改而冒稱以室町云

逸史 卷之一

懷德

駐蹕積年。文明五年癸巳。宗全勝元皆外。其黨猶割據。義政老。世子義熙立。八年丙申。華第災。天皇移蹕小川。群帥久在京師。上下困乏。郡國益亂。九年丁酉。各逃歸國。京師厘定。天皇得還宮。初。義政以驕奢荒逸。馴致大亂。京師衰耗。貴賤殆不自給。而更營東山。侈靡滋甚。云。長亨二年戊申。公卒。公有男女子四十餘人。顯者蓋十餘家。女皆配豪族。由是親姍蕃衍。于參。次子親忠代立。任左京亮。是為松安公。治于嵩津。延德元年己酉。大君義熙薨。無嗣。太大君義政立。弟義視。子義植。義政尋薨。明應二年癸丑。寺

左馬頭義視

武藏守又右京大夫政元勝元子

左京大夫義興

北條新九郎長氏原姓伊勢。晚号早運。或作宗雲。

部上野舉母伊保八州。參五城主。合兵將攻嵩津。公聞之。率兵三千要之伊田。參大戰破之。於是勢益震。西參諸城。多送款。管領細川政元作亂。擁立足利政知。子義澄。征夷之拜如儀。大君義植奔周。依大內義興。義興時併周長豐。筑藝石等數國。威令遠及諸道。而崇奉甚謹。義植安之。菲山。城。主伊勢長氏。襲捕越殺。足利政知。子茶丸。因居之初。長氏以姻。依駿輔。今川氏有功。受封。韭山。於是借師。狗。豆。相。下之。尋徙小田原。相略北條氏故地。有之。遂冒姓北條。以托其後。云。九年庚申八月。公卒。公慎重念治。省賦。斂郵。孤

逸史

卷之一

○文明至明應

○八

懷德

離騷國殤註曰謂
外國事者

寡恆言治國莫先乎辨析邪正莫重乎愛惜名器乃
明賞罰修法制士樂為用國人戴之公嘗置佛寺于
鴨田以資冥福或云伊田之役為其國殤號曰大樹
寺世或据馮異故事以為後世興為大將軍之符公
有九子一親長與嵩津二乘元與大給三長親與安
祥為嗣四親房五僧超譽六親光七長家八長忠九
乘清長親代立任出雲守是為棹舟公是歲人四天
皇崩 後柏原天皇立文龜元年辛酉追削前將
軍義植官爵公有勇略及立能修父祖業名聲四布
駿河國主今川氏親淡忌之謂德川氏樹基數世今

宇津三郎右衛門

不取後或難制永正三年丙寅親帥駿遠豆相東參
兵以北條長氏為上將八月圍嵩津城垂陷公將救
之麾下纔五百騎乃令曰眾寡懸絕我知為魚肉然
見危不拯後復何顏皆能從否僉曰存亡唯命公喜
曰當今之計特在因閭擊之使彼不知我多寡乃乘
夜直馳濟矢矯川背水而戰宇津忠茂麾眾馳且呼
曰我勝必矣若等努力士氣益振無不一當百駿師
敗績斬獲不可數公退陣水西駿侯與長氏收散兵
于水東眾囂不能陣宵遁公大悅慰籍將士問忠茂
曰汝何以料勝對曰臣聞長氏輕我在途酣飲不設

彈正左衛門惠光
一作康元
宇都宮忠茂或直作
宇都宮忠茂忍非
矣益字都宮為著
姓先世既晦述當
是利氏時有所諱
避故改稱字津耳
惠茂或作忠武恐
以字似誤耳

六郎澄元後左京
大夫
御前長輝號
希雲

備且恃寵而驕士心不降臣是以知其亾能為公稱
善於是田原城主戶田憲光以城降東參望風歸
屬封疆益關忠茂原姓宇都宮氏其先為美濃將監
泰藤從新田義貞于越及義貞外事逃匿于參四世
孫某始仕崇岳公是為忠茂父忠茂以先世居大窪
參及晚節更氏之管領政元修妖術遠室無子喜怒
又不常群下苦之四年丁卯政元為其下所害賊據
嵐山作亂細川氏自其先賴之世有阿讚丹津而治
於阿唯世適代入為管領故政元取從子澄元于阿
為後未至而難作澄元尚弱其部下三好長輝相之

按諸書皆以三好
為信國源氏唯大
日本史顯為甲國
之源今從之

近江守氏綱一作
近綱

右馬助政賢

築在三條高倉故
或呼曰高倉第尊

率甲入京師擊賊平之澄元為管領長輝係甲國源
氏世居阿之三好因氏焉及是役三好氏始顯五年
戊辰周侯義興大舉奉足利義植東上山陰山陽西
海三道侯伯多從管領澄元及斯波赤松島山諸將
拒之于津不戰而潰澄元與三好長輝奔阿諸將奉
將軍義澄奔江依佐佐木氏綱周師入京師義植復
徂策命如儀削義澄官爵義興為管領八年辛未澄
元遣其族政賢率兵入津義興邀擊不利會義澄卒
阿人與江人約納義澄子義晴政賢進寇京師義興
擊大破之獲政賢京師悉平義植尋修三條第以徙

氏自匪義故第而
義持嘗居之云
尼于伊豫守經久

新九郎氏綱

民部少輔高國又
武藏守又右京大
夫父曰民部政春

焉。義興為政一紀。威令頗行。會雲侯經久叛。將攻周。乃就圖討之。交兵連歲不決。義植喻行。成十六年己卯。北條長氏卒。子氏綱勇悍善戰。威力不衰。大永元年辛巳。公立于藏人信忠。而老公五子。長即信忠。任右京亮。是為安栖公。次親盛。與福鎌東端。次信定。與上野櫻井次利長。與藤井季義春。與東條先是細川澄元舉兵。奉公子義晴。抵津。與管領細川高國戰。破之。使三好長輝入京師。高國奔江。大君義植留而行。成高國以江師入京師。擊阿師。執長輝。殺之。澄元奉義晴。奔播。尋卒。高國專橫。四方亦滋亂。義植忽忽不

樂。是歲潛遜于淡。高國迺迎義晴於播。立之。策命如儀。再削義植官爵。義晴起第柳原。安栖公幼而聰敏。及立。寵任群小。荒酒汰侈。徵歛亾度。屬邑皆畔。安祥孤立。群下憂虞。屢諫弗聽。或竊議廢立。事覺。公怒。召首謀一人。手刃之。既而大悔。寤公有三子。長曰清康。次日信孝。季曰康孝。乃召士臣。託清康曰。寡人不德。親離眾背。噬齊靡及。清康雖幼。頗有奇資。若等幸善。輔佐三年。癸未。使營大濱老焉。清康嗣。是為善德公。公穎悟絕人。甫髻。亂每對故老。詢以古今治亂。或召士眾。令敘其戰陣擊刺之功。憑膝聳聽。不倦。問疾。甲

左馬頭義冬冬或作維

左馬頭義榮

彈正左衛門親貞不詳其譜第按系表所載彈正左衛門昌安為岡崎城

外一若成人年十三襲立乃益拊循臣庶恩惠備至
衆皆感戴知其為有爲之主一日宴士衆命引滿舉
白慰勞切至皆退相謂曰今日之酒是我頸血是歲
足利義植卒于淡故將軍義澄少子曰義冬義植無
子收義冬撫之及其遜也亦取以從遂立爲嗣義冬
徙阿居平嶋後世因氏焉義冬子義榮義助義榮蚤
亾義助子曰義種歷世賓於阿侯到今弗絕世呼曰
阿波公方云六年丙戌 天皇崩 後奈良天
皇立公既長撫服伐叛威名復張初松平親貞以岡
崎畔謀自立城山中攻掠鄉邑公累遣使招諭弗聽

毛孫公之從祖叔失恐即是而前後改名耳

又按藩翰譜直作昌安可從

筑前守長基

公怒欲攻岡崎宇津忠茂止之曰不若先取山中山
中既陷岡崎子立當不戰而服乃乘風雨夜襲山中
拔之親貞懼遂降岡崎兩參襟喉公乃徙治焉遂出
師徇西參諸豪相踵歸降者五十餘人公皆推誠撫
納勢大震公將賞忠茂功召問其所欲言辭曰臣四子
忠俊忠次忠員忠久皆叨祿秩臣老矣復何所須彊之日願賜
治下市征以養老公笑許之既而曰忠茂廉士今冒
私利得非老悖乎使視之忠茂畢會父老曰君賚我
市征自今悉蠲之無所復徵於是士人大悅商旅爭
歸岡崎殷富稱乎此云公大嗟賞七年丁亥三好長



左京大夫晴元

逸史 卷之一

懷德堂

民部少輔植綱

兵部大輔義隆後
中納言

基相細川澄元子晴元抵界浦津泉之疆開府以居焉長
基入京師破管領高國于桂川高國奉大君義晴奔
江已而以江師越師入京師戰未決亨祿元年戊子
長基私與越人連和高國奉義晴復奔江依朽木氏
朽木植綱傾心護之高國尋奔勢先是雲侯經久復
與大內氏構兵毛利吉川諸族應之周侯義興率師
入藝與毛利吉川戰又如筑伐少貳氏下之是歲伐
尼子氏入石復其侵地遘疾而歸遂卒子義隆嗣
年己丑公伐牧傳藏傳東參右族世有吉田國人多
服從乃竊圖併西參公聞之曰先者制人後者受制

藤原助秀
右馬助助定

彦二郎清重豐後
守廣孝父

遂出師伊奈參城主本多正忠納款率兵從之正忠
先曰助秀居豐後本多邑因氏焉其子助定從足利
氏受邑于尾其裔徙參數世有伊奈以至正忠自棹
舟公時其族在參者多出仕而為城主者唯正忠故
公大悅進焚下地御油傳藏望煙曰是必岡崎兵彼
自送外當邀擊殲之自將兵濟吉田川棄船毀筏徑
進決戰兵鋒甚銳我師少卻本多清重外之佐野與
八請退軍公曰彼小勝而驕是我利也秉麾直馳與
八謂衆曰軍勢危矣是我屬致命之秋遂力戰外之
內膳信定免胄奮擊衆皆殊死戰大破之獲傳藏進

逸史

卷之一

○亨祿

○十一

懷德堂

薄吉田正忠門焉。城陷，公入城，明約束，毫無犯百姓。帖服。初，戶田憲光以田原畔，公因伐之。憲光復降，遂徇東參，悉平之。又侵尾，取品野。信定戰有功，公予之品野。公之赴田原也，正忠邀享之于伊奈，酒酣獻歌。一盤盤中，藉用細辛三葉，公悅而異之。幕為徽號，本邦謂細辛為葵，故事鴨宮，祀日用為表飾。故京畿呼曰鴨葵。今葵章，糊于此。或曰：正忠用池中水葵，非矣。浮菴其為細辛葉審矣。本多氏花号卓葵，亦然。蓋傳者不知，別有鴨葵，因致此謬耳。今據實匡之云。

牟庚寅，公攻宇理。參松平右京亮親次趣南門內膳。正信定繼之。公趣北門，城主熊谷重長出城接戰。前

備中守重長，熊谷次郎直實為重長。

一作直利，非矣。

軍敗績，親次力戰，外之。信定按甲不動，親次信定從子，驍勇善戰，衆皆惜之。公從山上望見，大恚，路阻不能赴援。遂前薄城，親犯矢石，以督戰。拔柵，乘墉，重長固拒不下。日暮收軍，公讓信定曰：「且之急，胡越相拯。今至親而陷外地，君立視其斃，又獨何心？」信定赧然不能答。衆為語曰：「親次外榮，信定生辱。」初，公戒群臣散樂，落合嘉平先至，誤就信定席。信定至，使人謂之曰：「子胡猥就我席，當亟去。」嘉驚謝，將起，再促之。嘉怒曰：「我非不去，何督責之急？」我君在上，群僚滿座，我頸可斷矣，席不可獲也。堅坐不動。樂畢，公無所問，或

嘉平一作嘉兵衛。

岩瀨莊右衛門

重長河內守清長之父

請黜嘉以謝信定。公曰：群士皆父祖所愛養，叔父空體此意，今也驕而無禮，廣坐辱之。嘉若怖勢，退縮我且罰之，以警偷懦。彼之崛彊，實在所善，遂召嘉賞焉。信定啣之，至此遂有貳志。初，岩瀨莊隸也，強悍無行，嘗殺人。公愛其勇，減外逐之，亾在宇理，宵縱火為應。我師乘之，重長棄城而逃。公召莊祿之，莊感悔，卒為善士。人皆多公惜才愛士焉。重長徙居高力，參因更氏焉。尋來仕云：四年辛卯，安栖公卒。先是，細川高國自勢適江，佐佐木氏不禮焉。適越前朝倉氏亦不禮，遂奔雲，乞師。尼子氏解之，如播，依浦上氏。是歲，浦上

美作守則宗

蓮如上人兼壽

則宗助高國率師入津，三好長基如界府，相細川晴元拒之。尼崎不利，高國攻界府。長基逆戰于天王寺，破之。禽高國，殺之。天文元年壬辰，晴元行成大君義晴復歸京師。晴元自界府遙為管領，長基頗擅讒間，以乘晴元殺之時，緝旬益亂。大君管領皆擁虛號，向僧兼壽以善化誘得眾資甚富。乘世亂蓄兵，招客所在，攻略劫歸其宗。故法益行四方，鉅刹名祠各倣樹黨。民間無賴亦托以嘯集，自稱曰一揆。蓋謂糾合要結同心一歸也。遂有一向法華祠人土民等，日以分之。諸司牧雖苦其橫，戰爭或取援其黨，以利一時。



三宅左衛門尉
鈴木日向守

左京大夫信虎

故勢日張皇一揆之害卒徧諸道二年癸巳公與廣
瀨參城主三宅甲寺部城主鈴木乙戰于岩津大破
之斬首三百級是歲冬信人來侵公曰彼踐大雪涉
重嶮當乘疲亟擊親以步騎一萬蹙之信人大敗追
北馘獲三千餘人殘卒皆降公屢克威武日盛甲斐
國主武田信虎使人來通好尾人濃人亦多服從公
乃慨然有兼并之志嘗謂左右曰我家為足利氏所
擠顛蹶累世危而復興今天下瓜分豪傑並起時難
得而易失須席累捷之威直指京洛取足利氏以復
世讐乃練士馬庀糧仗竊規進取公嘗夢有文在其

握曰是旦而咨眾無能解者浮屠橫外以析字占之
曰是字為日下人日下一人而握之大柄在手也吉
莫大焉然握而未啓不在其身或在後嗣也公大悅
為創龍海禪寺四年乙未粒山尾城主畔尾以城降
公謂眾曰我先擊尾夷織田氏然後舉濃勦江席卷
而西觀兵於京畿冬十月公親帥精騎一萬次杜山
四出攻略以誘尾尾人不敢出時內膳信定居上野
城潛謀作亂稱疾不從師眾心危懼而公志益銳群
臣咸諫曰杜山雖降反覆難信進有織田之勁敵退
有內膳之陰圖腹背受害其危弗測請姑班師胥時

而動公艱然曰。杜山建異立誅夷之織田若出一舉
 可擒內膳之謀不足懼。且叔侄至親。借有小嫌。終將
 和解。初安祥之區區。以寡擊衆。猶且所向無前。今欲
 有事於中原。大舉踰境。未加一矢。而還不獨貽笑士
 氣。亦撓我意決矣。若等勿復言。乃部署將士。刻日薄
 清洲。尾治所時安倍大藏少輔定吉秉政。以安危自任。
 恆憂信定異志。軍中屢回信調停之。怨家流言大藏
 將逆。內膳氏以作亂輿論。凶人不自安定。吉乃囑
 子彌七曰。我寵祿已過。凶徒騰口。唯君當察我赤心。
 然衆口鑠金。積毀銷骨。我即被戮。宜藏身艸澤。俟時

定吉多作正就誤
 矣正就係其孫

植村新六榮安後
 出羽守或曰名持
 益非矣持益榮安
 祖父也或又曰榮
 安淨屠法諡其名
 不詳乃據碑字鬼
 簿証之亦非矣蓋
 寺僧不文直用名
 爲法諡耳榮安一
 作榮康以安康國
 讀通也亦可以証
 法諡誤說矣
 彈正忠信秀又備
 中守

申雪。縱下情不達。慎勿怨望。若廢我言。外且不暇。彌
 七憂懣累日。十二月五日。管中馬逸。駱藉吏卒騷擾
 囀呼。公起視之。彌七奉刀以從。謬謂其父遇害。輒自
 後。弑公。植村榮安斬彌七。上下惶駭。不知所爲。定吉
 聞變。將自殺。內藏允信。孝素信其忠良。遽止之。時棹
 舟。太公尚存。群臣護喪歸。請定吉處分。太公察其無
 罪。特宥之。公娶青木氏。生公子廣忠。庶生男女二人。
 男後爲僧。名成譽。爲大樹寺主。女配酒井忠次。太公
 立廣忠爲後。年甫十歲。後任三河守。是爲瑞雲公。令
 定吉輔之。尾張國主織田信秀聞我喪。率兵八千來

新藏長安一作安長清長兄也

四郎兵衛正定一作定次
新八郎忠俊字津忠茂長子
安藝守清兼伯耆

寇衆推松平康孝爲將兵厘八百分爲二隊軍于伊田尾侯亦張左右翼我一隊遇左翼而卻右翼亂次競進植村榮安揮槍先冒陣一隊四百殊然而戰高力重長及子長安外之右翼敗劔左翼勢沮遂潰尾侯行成而去時國新喪主而單軍能破十倍之衆世稱其烈云內膳信定寵於太公百方蠱惑得擅國遂欲除公而自立定吉懼奉公奔勢信定遂立送款于尾以自固親戚群臣皆懷去就或棄室而耕定吉弟正定勸定吉納公大窪忠俊酒井正親忠次石川清兼數正等亦潛通謀五年丙申三月公至遠次懸冢

守數止數正清兼孫

林藤助
成瀨莊藏
本多吉左衛門

定吉如駿借師冬公入牟呂參駿師衛送國人多往歸焉信定聞之怒六年丁酉春發兵圍牟呂忠俊約書於矢射城上期以四月迎信定知衆心不附懼戰不克乃宣言我是太公子孺子惡與我爭國然奸人或實緣以圖不軌此舉特懲之已且孺子至親我豈有意害之遂收兵還上野既而信定會宿臣誓于社最猜忠俊令三作載書又大誓國人於是信定意解而忠俊等密議益熟忠俊遂與林政緣成瀨正乘本多忠豐植村榮安等謀潛告岡崎處守信孝信孝曰是我志也但內膳氏防我甚嚴故未發耳君等努力

謀即泄。君等皆不免。則誰復圖之者。今日之議。我且避之。倘事不集。我必繼之。迺稱疾。請浴馬山溫泉。遂如京師。待報。忠俊等潛迎公入岡崎。五月朔。公至。自率呂親戚群臣皆集。賀太公。聞公入。驩曰。初藉駿威。力欲強入國。故交兵。爾孺子。我適曾孫。國人孰敢建異。信定亦當善事之。信定不得已。請和入。謁信孝。亦歸。公賞忠俊以下。功各有差。七年戊戌。信定卒。衆心始安。安倍定吉。淡病。其為逆家。不自置嗣。卒以不祀。衆義之。定吉。侍女有身。出之。嫁井上氏。生子清秀。冒國老世封侯。人以姓清秀。子主計頭。正就以童子出身。累遷列。為福善之應矣。初北條氏綱與關東管領上杉氏

定吉一作光真。非矣。安倍光真。駿人。駿而來仕者。尚姓而稱大藏。故謬混焉耳。

兵部八輔憲政五郎朝定

大膳大夫兼信濃守晴信
左馬助信繁
今川刑部大輔義元氏親子又治部大輔

交兵積年。是歲與山內上杉憲政扇谷上杉朝定大戰。克之。兩杉遂衰。甲辰。信虎暴悍無禮。適子晴信勇而戾。庶子信繁婉而文。信虎愛之。駿侯義元其婚也。於是如駿。視女晴信。乃作亂。篡國。義元陰右之。信虎不得還。後客于駿。信凶慮四十年。晴信終身不通問。國人亦無異議。識者淡憎晴信之逆。而益信信虎之虐云。八年己亥。大君義晴遜。矢瀨尋寓坂基及東山第。時京畿諸寇充斥。用度不給。故依湖上諸侯。以自存也。九年庚子。夏六月。尾師來攻安祥城。主松平長家乞援。公使松平信康與松平利長忠繼康忠林政

緣等馳救之信康馬蹶尾人乘之及長家康忠政緣等皆外利長忠繼力戰卻之尾師引還是歲吉田藝侯元就畔雲即周雲師伐吉田元就連戰破之周侯義隆令陶全姜趣援雲師敗績於是周雲益交兵累歲不解十年辛丑公娶刈谷參城主水野忠政女是歲雲侯經久卒子晴久嗣日侯伊東義祐伐薩與嶋津氏戰遂屢交兵連歲不決十一年壬寅秋八月尾人來侵公乞援于駿駿侯遣僧大原將兵三萬赴救尾侯遣弟信光率騎五千綴之與駿師戰小豆坂尾師卻我師駿師亂次追躡信光反兵奮擊我師駿師

毛利陸奥守元就
又右馬頭
陶尾張守晴賢初
名隆房晚号全姜
右衛門大夫忠政
尾子民部大輔晴
久後修理大夫
伊東大膳大夫義
祐
大原号雪齋
織田孫三郎信光

皆奔外傷甚多大原帥退力戰尾人卒敗冬十二月二十六日我東照大君生母水野氏大君諱家康初諱元信又日元康甫生容貌不凡大公悅曰茲兒必有譽於天下尾人復來侵上野內藤清長率其族擊卻之十二年癸卯秋七月刈谷侯忠政卒初忠政屬駿及卒子信元背而歸尾公聞之曰駿惠厚矣義不可私乃與信元絕昏夫人水野氏大歸刈谷細川高國子氏綱人泉作亂管領晴元時在京師遣二好長慶擊卻之十三年甲辰秋八月棹舟太公卒尾侯信秀聞喪遣織田敏宗帥騎三千攻安祥敏宗傷

孫一左衛門清長
水野下野守信元
次郎氏綱後右京大夫
筑前守長慶
左馬助敏宗

三左衛門忠倫系
譜無所見

種嶋兵部丞時堯

大友左馬頭義鑑

平八郎忠豐又吉
左衛門中書忠勝

祖父也
助定見前

股軍敗信秀怒親將攻安祥拔之松平忠倫以佐崎
降尾信秀城上輪出參令忠倫守之以迫岡崎西洋
杜丸爾國商船泊大隅海上種嶋始傳鑊砲嶋主時
堯獲其術豐後侯義鑑奇之大會冶工首廣其製豫
人河野氏益究其精人皆知其利器相傳摹造練習
十數年間卒徧天下當時以器傳自種嶋遂目為種
之稱廢焉世人往往呼鳴後知其名為砲若銃而種嶋
小銃為種嶋者誤矣十四年乙巳公將兵擊尾人
于清暇破之追北薄安祥城兵出戰師殆奔本多忠
豐大窪忠俊等力戰卻敵忠豐歿之忠豐尾人助定
裔助定四世孫曰助時徒參仕棹舟公忠豐其孫也

松平清定信定子信定太公相尋卒懼公修前釁以
上野畔初酒井忠尚與石川清兼酒井正親有鄰忠
尚譖二人於公公察其姦詰之忠尚慚而屏居公以
其世臣特貸之及清定畔忠尚往歸公攻上野不利
是歲丹人助細川氏綱作亂三好長慶擊破之氏綱
竄伏十五年丙午春三月公侍臣岩松八彌喪心人
臥內刺公股而趨出公執刀追之堂庭傳呼八彌作
逆植村榮安朝遇之于門捉隆乾涅八彌強悍多力
內藏允信孝把鎗臨涅曰縱焉我且刺之榮安曰併
我刺之賊不可紿乃輾轉相搏卒斬其首秋九月公

七郎右衛門忠世

河内守順盛

信濃守為厚

民部大輔房能

平三郎景虎後輝

正大弼輝虎

又攻上野。謂衆曰：向者我侮取敗，今彼必驕可禽也。乃分兵為二隊。前隊薄城，清定接戰。公以後隊急擊破之。大窪忠世年十五，力戰有功。清定忠尚皆降。公寘清定于櫻井，赦忠尚，令守上野。河内人遊佐順盛相細川氏綱作亂，管領晴元使三好長慶伐之，不利。晴元赴救。大君義晴在東山陰，右氏綱許以管領。晴元恚遂叛，與江人連和，欲攻京師。義晴奔阪基，遂老焉。世子義輝幼而立。初，越後人長尾為景弑其主上杉房能，篡越後。又併越中，尋外兵。其子景虎與其族爭國。景虎驍勇善戰，是歲竟平越後。又出兵，頗并越

甚四郎忠員
弥三郎忠久

中實能之地。十六年丁未春正月，公有疾。內藏允信孝如駿代，實正也。初，信孝恃功而擅威福，已出祖叔父親長卒，無嗣。信孝盡有其室。弟康孝卒，亦無嗣。信孝又併其室。公皆不能禁。群臣議曰：內藏氏恣谿壑之欲，富軼公室，一旦構難，豈易制哉！日內膳以多邑終成巨害，不可不鑒。及信孝如駿，勸公除之。即命收信孝邑，悉逐其人。信孝聞變，馳還。至則無歸，奔駿。訴之。今川氏召參人，令納之。辭以故，不能強焉。信孝奔輪田，保於松平忠倫。欲舉兵爭國，初，棹舟公分大窪忠員忠久及宿臣子弟數十人，以屬信孝。於是忠員

源七郎忠宗伊賀守忠吉長子

織田大隅守信廣

等議曰。吾儕以君命。謀內藏氏耳。今豈從其反乎。迺相率逃歸。信考益窮。遂請降于尾。酒井忠尚以上野潛應。信考秋九月。公遣兵伐信考。不利。鳥居忠宗死之。織田氏與忠倫謀。將攻岡崎。冬十月。公發刺客殺忠倫。尾侯帥師至輪田。築六砦。逼岡崎。令子信廣守輪田而去。十二月。駿人將來救。責任子公使。大石質駿。年甫六歲。後母戶田氏。田原侯憲光女也。時以道路多梗。取途于田原。會憲光陰畔。即尾欲取大君。君弔尾。乃具船艦。佯言比日多雨。陸路冰凍。不易行焉。今幸天霽。風息。不如從海路之便。既發。轉柁達熱

又五郎康景後三郎兵衛

佐渡守俊勝
因幡守康元
豐前守義勝
隱岐守定勝

出。尾眾僉疑懼。不知所為。尾侯出兵迎取。拘諸大宮司氏。天野康景以童子從。年甫十一。初上岸。囑其奴曰。耳目非是。恐陷姦計。而疾歸報。今猶可脫走。如事已定。渠必物色。不可復舉動矣。果如其言。而事因得蚤聞焉。眾奇之時。大君出母水野氏。嫁尾人久松俊勝。居近熱田。乃遣家人善視之。水野氏性三子。長康元。次義勝。季定勝。後皆仕。大君賜族云。尾侯使來謂曰。令嗣在尾。即欲全之。宜與駿絕來。締新盟。公對使者曰。尾我宿讐。弗可諉焉。駿我石交。弗可變焉。兒子存。匹胡足。介意。尾侯大忿。錮大君於國都是。

村上兵部大輔義清

筑前守冬尚後改時尚山城守隆信

歲太大君義晴城白川據之。細川晴元與江師東西入寇不利而退。尋復入寇。會白川糧竭。義晴奔阪基而行。成管領氏綱自河奔阿。義晴為義輝起第于二條。在室町東武田晴信伐信人村上義清滅之。義清奔越後。長尾景虎欲納義清。屢與武田氏交兵。連戰不決。肥前侯少貳冬尚為其臣龍造寺隆信所逼。奔筑後。屢謀復歸。不得志。遂自殺。少貳氏隆信有肥前十七年戊申春三月。尾侯帥師次安城。即安祥駿師來救。次藤川。公將兵會之。與尾師戰于小豆阪。敗之。酒井正親力戰。獲鳴海大學。其良也。尾侯令信廣戍安城。

長坂九郎

而去夏四月。松平信孝攻岡崎。大窪忠俊與酒井止親石川清兼謀伏射手狙而叢射。信孝傷腋而外。獲首歸報。公哭曰。即生致之。我必全宥之。尾侯又遣兵來侵。公拒之。重原參尾兵敗走。公遂攻八草。與中條氏戰于鷓原。參破之又擊梅坪。參城主三宅右近破之。尾侯自將次西野。參公固壁待之。尾人侮我。兵寡。進軍柳河。參公選精兵邀射。矢下如雨。長坂茶理先騁師從之。尾師敗績。尾侯單騎遁。茶理名信政。每臨戰。莫不槍濺血。善德公嘗目曰。血槍。因以自稱。國音疾呼。轉為茶理云。是歲太大君義晴大君義輝復歸。

京師。細川晴元入為管領。細川氏綱率阿人入津。三
 好長慶在津。與晴元有郤。畔附氏綱。十八年己酉春
 三月。尾族信秀卒。信秀系出於平內府重盛。次子資
 盛。平氏之亾也。資盛季子親實尚幼。其母抱之。匿江
 之津田邑。邑長娶之。撫親實。越前織田祠祝氏求為
 己子。令繼其職。因氏織田。又稱津田先生。子孫出仕
 武衛斯波氏。尾國係武衛之封。織田氏累功。秉政數
 傳。至信秀。益顯權。竟弑其主。奪國。信秀有五男一女。
 庶長子信廣。適子信長。次信行。次信包。季長益。信長
 倜儻有大志。於是少而襲立。國勢丕莖。六日公卒。年

武藏守信行
 上野介信包
 源五長益後四位
 侍從晚有樂

朝比奈備中守

平八郎忠高忠豐
 子

二十四。公壯武有餘。而性猜忌。臣民不附。部下多畔。
 及卒。國又無主。勢遂衰。大君聞計。哀慕如成人。
 感動左右。群臣相議。欲與尾成以迎。大君或畏駿。
 彊欲姑修舊好。別以謀取之。駿侯義元聞。喪愕曰。尾
 人乘弊。取岡崎。參悉為其有。且彼擁遺孤。以臨之。孰
 不服從。其為患深矣。乃遣朝比奈泰能等。率兵護岡
 崎。於是群臣屬駿。乃議曰。今安城為敵。有近接岡崎。
 不可不取。遂發兵攻之。織田信廣堅拒。本多忠高。榊
 原藤兵衛。外之。我師敗歸。冬十一月。駿侯義元。以僧
 大原為將。大舉來援。尾族信長。亦發兵救安城。大原

設伏破之。信廣出城赴援。我師與駿師三面夾擊。城
 兵散走。追北斬獲數百級。信廣逃入城。師遂奪門縱
 火。牙城僅存環柵。備之。信長聞敗。曰：阿兄事急。乃自
 將馳救。安城煙起。信長意城已陷。頓兵鳴海。尾大原
 欲紓信廣。外以易我。大君使人請之。尾族怒弗答。
 平手政秀林正成固諫。乃許。成駿人撤安城圍。與尾
 人會于笠寺。尾信廣歸。我大君歸參。居旬餘。義
 元徙我。大君于駿。以其人為岡崎。已下諸城。居守。
 戚族舊臣皆奪其邑。以番直賤役驅使之。或致之駿。
 以補偏裨。留松平重吉為居忠吉管國事。悉收其貢。

中務少輔政秀
佐渡守正成

伊賀守忠吉

稅誓曰：族孺子長。舉復其舊。於是群臣局脊。或退畊
 于野。特特其要約。艱虞經歲。義元館大君于宮崎。
 駿給以穀千石。親臣從者。酒井重忠。高力清長。平岩
 親吉。天野康景。植村榮政等。長幼二十餘人。廝養百
 許人。既而共億不繼。上下困乏。鳥居忠吉素富資。乃
 陰給衣糧。眾僉賴之。忠吉其先紀人也。曰：鳥居行忠
 為熊野別當。以訟奔參。因居邑為旦氏。旦一作八世。
 孫忠景。從新田義貞。以膂力聞。及義貞敗。外逃歸參。
 復姓鳥居。至忠吉。仕善德公。於是為二世。耆舊是歲
 三好長慶與第十河一存。相細川氏綱。舉兵和人筒

與左衛門清長後
河內守
七之介親吉後主
計頭
新六郎榮政後出
羽守榮安子

新左衛門扇忠景

民部大輔一存

彈正少弼久秀

左衛門督義鎮義鑑子晚号宗麟
左馬頭義鑑

井順昭及畿甸西南丹人播人淡人讚人多應之攻陷津諸城屬晴元者晴元自將救之連戰大敗單騎遁歸奉三大君奔江長慶入京師發號施令畱其爪牙松永久秀鎮撫之復如津於是久秀始強十九年庚戌太大臣義晴薨于江先是戶田憲光乘我虛襲吉田取之是歲駿侯出兵伐吉田下之二十年辛亥陶全姜弒周侯義隆盡夷大內氏初二條前關白尹房三條前左府公賴及持明冷泉諸朝士寤京師耗廢奔周依大內氏至此同遭害全姜逆豐後國主大友義鎮弟義長繼大內氏自擅國事初大友義鑑與

左京大夫義長
肥後守義宗一作
宗家
左京大夫氏康北
條氏綱子

讚岐守持隆

肥後侯菊池義宗交兵屢克菊池氏遂衰至此義鎮伐義宗滅之併肥後相侯氏康伐關東管領上杉憲政滅之悉取其地於是北條氏威令大布關以東憲政奔越後托長尾景虎景虎館諸北川善待之憲政遂付與姓上杉及關東管領景虎尋雉髮別稱謙信伊東氏與鳴津氏戰者十年於是行成分隅有之十一年壬子將軍義輝與細川氏綱行成復歸京師氏綱入為管領三好長慶城芥川津居之細川晴元為僧出叀時大君管領勢益微事皆決於長慶而松永久秀居京師威又軋長慶阿侯持隆細川之宗也

豐前守義賢晚号
實休長慶弟
山城守利綱晚号
道參
兵部大輔定朝朝
一作明

世治于勝瑞阿持隆庸劣受制三好是歲三好實休
弒持隆奪勝瑞因其室阿淡服從濃人齋藤道參弒
其主土岐定朝篡濃二十二年癸丑大君義輝心憫
晴元召而祿之晴元復聚其黨逐三好成長慶怒率
師入京師義輝與晴元奔江長慶不敢窮追巡撫京
邑復置戍而去義輝寓朽木四年諸侯無復應者長
慶削平畿内又徇丹播粗定之勢益張云二十三年
甲寅越後侯景虎與甲侯晴信大戰于川中嶋信二
侯皆長軍事素以威力相抗於是爭上毛之田兵結
不解晴信夙崇佛教時年尚壯已祝髮著緇別稱信

忠世忠員長子四
郎兵衛忠政忠俊
弟為阿部定次義
子初名忠次

備中守隆元後大
膳大夫
治部少輔元春後
駿河守
左衛門佐隆景

玄弘治元年乙卯駿侯發師侵尾攻蠓江我士大窪
忠俊忠員忠世阿部忠政等七人執槍血戰有功世
稱為蠓江七槍初毛利元就憎陶全姜之逆也乃與
周絕連年出兵攻藝諸城屬周者周人赴救輒敗藝
悉平全姜議大舉伐之元就度眾寡不敵城嚴鳴以
為餌欲薄諸險是歲全姜率選兵數萬攻嚴鳴元就
率兵二千次北岸乘風雨夜戒舟楫急掩其不意周
師敗績全姜自殺闔軍殲焉周遂衰元就子隆元元
春隆景皆豪邁練武事故所向無敵元春為吉川氏
後隆景為小早川氏後世因呼曰兩川云二年丙辰

義廣駿侯姑夫或曰妹夫

五郎右衛門忠勝忠俊長子治右衛門忠佐忠員次子源五左衛門義綱一作高綱權六勝家後修理亮

逸史 卷之一

春正月。我大君加元服。駿侯為納關口刑部少輔。義廣女為夫人。參人皆如駿賀焉。或獻龍馬。大君獻諸將軍。義輝、義輝大喜。手教答之。賜刀一口。大君自幼從僧大原。受讀書史。大原清見寺主。而駿侯諸父輔駿侯視軍國諸事。有膽畧善戰。大君因又得粗涉兵書云。二月。松平義春攻日近。中矢而歿。駿侯迺使參人築福谷。酒井忠次守之。阿部忠政大窪忠勝、忠佐、渡邊義綱等佐之。織田氏遣柴田勝家、荒川賴季將騎二千攻之。義綱射殪尾人。忠勝馳馱之。勝家執槍刺忠勝。忠政射勝家。什地尾人以馬

來救。忠佐進刺其馬。勝家懼。免賴季。勵眾傳城。參人固拒。尾人竟敗歸。冬。大君見今川氏。從容請曰。自幼辭國。先祀廢缺。今既長矣。願得一拜掃墳墓。駿侯許之。大君至。自駿國人爭郊迎。居忠吉進曰。臣老矣。自知不可用。乃務置倉庾。設府庫。以備異日之用。今幸未填溝壑。及覩君歸。何慶如之。乃執手流涕。哽咽。大君動容謝之。及大君定侯位。國計軍須。無所匱缺。得以展力。拓業。忠吉之功居多。時駿人衛岡崎者。猶在牙城。大君入子城。以族駿撤衛。駿侯殊無還意。國人憤惋。是歲。田越再戰。川中嶋。初。大君

明成祖名棣

義滿戡定海西九國。又與明國修好。及季年。西陲姦民托互市。擾明邊境。勢浸披猖。動輒長驅。深入明人怖之。如虎至。以南倭北虜。並稱明主。棟諭義滿。禁戢義滿。發兵掩捕。悉焚舟艦。致書送俘。明主發使幣璽。書褒揚。然西陲無管。海寇不絕。及足利氏衰。群盜公然遠掠。而不能控制。至此。明復大苦我警。其官省乃使行人鄭舜功來。致書於大君。義輝慙之。義輝答書。慰諭遣之耳。三年丁巳春。大君如駿。大君屢聞古老談。欽仰祖風。於是改諱元康。自稱藏人。秋九月。天皇崩。正親町天皇立。是歲天下旱荒。餓莩相

筑前國主秋月太郎清種一作元種筑前守種實

望津播潮溢。少者。亡算。藝侯元就使吉川元春如石備。尼子氏遂大舉入周。周人多畔。應之。周侯義長走。長。藝師追。亡逼之。義長自殺。周。元就入山口。周治除苛政。撫新附。周長悉平。豐筑諸豪亦往往有送款者。餘皆屬大友氏。元就乃置戍備大友氏。而還。已而與尼子氏交兵。連歲不解。伊東氏與島津氏復爭。隅地。舉兵相伐。大友義鎮出師。筑前。伐秋。月清種滅之。併其地。清種家人以其孤種。實免。永祿元年。戊午春。正月。今川氏謂大君曰。參諸城多畔。附尾。今子既長。盍圖剗平。大君大悅。曰。固所願也。二月。大君

日向守重教
作左衛門重次
九藏重玄重次弟

豐後守廣孝助定
七世孫清重子

近史 卷之一

至自駿遂攻寺部城主鈴木重教出兵接戰本多重
次及重玄當先鋒重玄歿之松平重吉繼進力戰重
教敗走逐北斬首百餘級焚郭而還又攻廣瀨織田
氏遣津田兵庫救之大窪忠世獲兵庫尾兵敗遂進
薄城松平清善謂衆曰左右皆敵未可采入乃退而
陣寺部舉母丹家中島諸城果出兵伺間大君乃
還又攻舉母梅坪伊保緒川皆未得志而還松平家
次戊科野參三月織田氏發兵圍科野城攻之甚急
家次夜斫敵營尾人驚而潰追擊獲將士五十餘人
獻捷于駿夏四月大君如駿冬本多廣孝石川清

右京大夫義賢
號承禎

兼天野景隆等如駿請曰寡君既長願復歸如約駿
侯依違弗果是歲佐佐木承禎奉大君義輝軍于如
意嶽京師東山松永久秀拒之累戰不決相持數月承禎
就三好長慶行成疆而後可義輝乃復歸京師細川
氏綱復爲管領長慶執細川晴元幽之芥川使氏綱
居淀以護京師二年己未春松平信一代家次戊科
野三月尾人來侵信一擊敗之又夜乘風雨斫其營
尾人乃退信一獻俘于駿我世子信康生于駿母關
口氏是時駿日強大甲相皆求好四鄰懾伏義元侈
然謂乘此際會滅尾克濃江直指京師可一戰而弱

近史 卷之一

二十九

義德

鵜殿三郎

飯尾近江守
作間大學助

鳥居四郎左衛門

杉浦八郎

矣。遂議大舉。先出兵徇尾疆。大君亦從焉。織田氏
 聞警。置砦要地。嚴為守備。先是大高鳴海。沓縣。尾畔。
 尾。即駿。駿侯遣鵜殿長持守。大高尾侯令鷺津守。飯
 尾定宗丸根守。作間盛重壓大高。與長持屢戰而不
 決。夏五月。大高糧竭。告急于駿。駿侯欲致粟。以城斗
 入敵境也。難其人。乃使大君督運。大君忻然率
 千餘騎。趣大高。敵砦前後。碁布。不得輒前。宿臣更事
 者。舉危之。大君曰。第聽我處分。我且試之。會尾侯
 親巡砦。大君使鳥居信元等數騎覘之。報曰。敵勢
 甚銳。意在邀我。眾益懼。杉浦鎮貞獨曰。敵無有鬪志。

眾詰之。答曰。敵脫欲戰。當下山而陳。今望我旌。保于
 山上。是辟我也。不足懼矣。大君曰。善矣。我當出奇
 以制之。乃令酒井正親石川數正等率一軍。深夜直
 馳。背大高。以伐鷺津。縱火鼓譟。守者不意我侵軼。防
 禦甚窘。丸根及佗砦。望火大愕。倉黃赴救。大君麾
 下八百騎。設奇正三隊。乃驅馱達大高。部伍修定。弗
 可犯。而近砦守者。以壁已空。皆傍觀。不能枝梧。我前
 軍亦遄撤還。乃收軍。駿侯聞報。嘆曰。龍種也矣。兵家
 傳以為法。云尾侯引去。又使大君徇西參。以所獲
 邑頒賞將士。大君遂次岡崎。復館于城。是歲上杉

景虎如京師謁大君義輝請關東管領命允之併賜
偏諱景虎因改名輝虎又請依故事得公子一人以
鎮關東弗聽乃奉關白前久而歸挾以令東陸居數
年前久不諾而還當是之時喪亂日久天子弁
髦賊勢猖獗于京畿足利氏威令一無所施大內供
御屢告乏絕公卿邑人百官廩祿皆腹削不給往往
解職寄寓于侯國留者至餬口民家朝廷衰耗極矣
是以海內分裂罔攸統一豪傑競興各自建國其尤
疆梁者三十餘家細川三好松永之族盤互畿內延
及紀淡阿噴駿今川氏併遠參尾織田氏與齋藤氏

分濃相北條氏跨豆武毛總里見義弘有房佐竹義
重有常輩名南部最上氏分轄與羽上杉謙信朝倉
義景對據三越武田信玄兼有甲信秦氏在丹畠山
氏在能北畠氏在勢佐佐木承禎淺井長政割江赤
松山名浦上氏之族連結于但因播作三備之間尼
子晴久據雲以統隱伯備石毛利元就保藝以取周
長一條氏與西園寺氏分司土豫大友伊東島津龍
造寺氏基峙于西海九國戰爭攻奪海內無虛日足
利氏亦隨亾天地剖判以還皇統之么麼生民之
塗炭未有若此之甚也我大君在駿過一紀而歸



立二十餘年。暴衣露蓋。寢創鴻基。天正中。豐臣氏起。自匹夫。鞭笞區宇。禍亂頗弭。十餘歲而歿。天下復大亂。大君一舉。戡定身致太平者。十有五年。晚節黜。畿甸之難。萬國駿奔。數月而橐鞬及薨。號爲至治。兆民到今。實賴其慶矣。語具本編。

逸史氏曰。孟子稱天將降大任於是人也。必先苦其心志。勞其筋骨。行拂亂其所爲。噫。嘻。參向以安栖公無道。祖業日蹙。雖承以善德。公英武。國勢一張而倉卒之變。主弑而孤幼。敵國外侵。親戚內畔。顛覆淪胥。殆乎不自救。端雲公以宿臣。翊戴獲奉宗祏於旣墜。

乃恨中自用。人所懲。恣封疆。判渙加之。以短折甚矣。其不競也。當是時。尾恣豺狼之噬。於前。駿逞虺蜺之毒。於後。廬免彼暴奪。終受此陰攘。大君以惇孤。狼狽流離。身且不自保。國之泯。豈復暇顧慮焉哉。其勞苦拂亂。可謂極矣。乃知異日削平之勲。隆赫之業。未必不由之矣。世傳大君之拘于尾。或彩籠閉小禽。以獻焉。巧作百鳥聲。大君辭而卻之。左右請其故。大君曰。吾聞之。小巧者無大智。多藝者無逸技。此禽好倣他聲。必不能自鳴者。不足賞也。聞者吐舌。及在駿。其俗以端午作石戰戲。觀者分黨助勢。大

君甫十歲騎奴肩觀之一隊三百餘人其一半之人
 爭赴眾大君命奴就寡奴異而問之也大君曰眾
 者恃勢其心不一寡者懼而專力其勝必矣果如其
 言駿侯聞之嘆曰將門出將猶信嗟哉也大君岐疑
 若是而動心忍性者十餘年其過人之遠亦可知矣

逸史卷之二

